



OTXANDIOKO UDALA
Ayuntamiento de Otxandio
(Bizkaia)

IFZ P4808500E

**ZERGEN KUDEAKETA, BILKETA ETA IKUSKARITZARI BURUZKO UDAL
ORDENANTZA**



I.- PRINTZIPIO OROKORRAK:

1. artikulua.- Ordenantzaren xedea:

1. Ordenantza honen xedea Otxandioko Udalarri dagozkion zergen eta zuzenbide publikoko gainerako sarrerren kudeaketa, bilketa, zehapen eta ikuskapen prozedurak arautzea da.

2. artikulua.- Lege araubidea:

Zergen eta zuzenbide publikoko gainerako sarrerren kudeaketa, bilketa, zehapena eta ikuskapena Zergei buruzko Foru Arau Orokorraren (Toki Ogasunen Foru Arauan aurreikusitako berezitasunekin), zerga bakoitzari buruzko Ordenantza Fiskalen eta Udal Ordenantza honen bidez eraenduko dira. Ordenantza honetan aurreikusita ez dagoen guztiari dagokionez, Zergei buruzko Foru Arau Orokorra garatzen duten xedapen osagarriak beteko dira.

3. artikulua.- Aplikazio eremua:

1. Udal honek Otxandioko udalerrri osoan erabiliko ditu Ordenantza honetan araututako gaiak buruz dituen eskumenak
2. Udalerritik kanpo egin beharreko ikuskaritzak edo nahitaezko diru bilketak, udalerriri dagozkion Zuzenbide Publikoko sarrerekin loturik badaude, Udal honek burutu ahal izango ditu Bizkaiko Lurralde Historikoaren esparruan. Gainerako kasuetan, zeregin horiek ezarrita dauden edo ezar litezkeen lankidetzak formulen arabera egingo dira.

4. artikulua.- Bilketa organoa:

- 1.- Agindu horiek ezartzeaz arduratuko den organoa Alkatetza da.
Alkateak honako eginkizun hauek izango ditu zuzenbide publikoko sarrerren kudeaketan:

I.- Entitate laguntzaile gisa baimena ematea.

II.- Informazioa eskatzea, finka edo lokaletan sartzeko baimena ematea, zuzenbideko neurriak artesa.

III.- Espezieta ordaintzeari baiezkotzea ematea.



OTXANDIOKO UDALA

Ayuntamiento de Otxandio
(Bizkaia)

IFZ P4808500E

IV.- Likidazioak onestea eta deuseztea.

V.- Birjartzeko errekursoak ebaztea.

VI.- Bidegabeko kobrantzen itzultzea ebaztea.

VII.- Onura fiskalen aitorpenerako eskariak ebaztea.

VIII.- Bermearen onespena ebaztea.

IX.- Bermeen gauzatzea ebaztea.

X.- Onura fiskalak aitortzea.

XI.- Gerorapen edo zatikapenak ebaztea.

XII.- Legez beste organo batzuei ez dagozkien gainerako eginkizunak burutzea.

Alkateak zinegotziak eskuordetu ahal izango ditu bidezkoztat jotzen dituen eginkizunetarako.

5. artikulua.- Kudeaketa:

1. Otxandioko Udalak bere zergekin loturiko onura fiskalak eman ahal izango ditu, bere aurrekontuen kontura, Foru Arauetan ezarritakoari jarraiki.

2.- Ez da egokia izango ordainagiriak edota zerga likidazioak bidaltzea beraien kuota 30 €-tik beherakoa denean, hurrengo kasuetan izan ezik: Trakzio Mekanikoko Ibilgailuen Gaineko Zerga, Administrazio Dokumentuak Egiteagatiko Tasa eta Kiroldegiko Instalazioen Zerbitzuak Emateagatiko Tasa, Kasu horietan, dagokien tarifa edo kuoten zenbatekoa likidatuko da.

6. artikulua- Errolda:

1. Zergapeko egitateak jarraitasuna badu, errolda batean sartuko da. Erroldan interesdunen adierazpenak, Udalak dituen datuak eta ikuskaritzak azalduko dira. Altak, bajak edo aldaketak gertatu eta hurrengo 15 egun baliiodunen buruan jakinarazi beharko dira.

2. Erroldak alkatetzaren erabakiz onetsiko dira urtero eta jendaurrean jarriko dira 15 egunez, ukitutako zergadunek haiek aztertu eta bidezkoztat jotzen dituzten erreklamazioak



OTXANDIOKO UDALA

Ayuntamiento de Otxandio
(Bizkaia)

IFZ P4808500E

aurkez ditzaten, Foru Arauetan eta zuzenbide publikoko sarrerak arautzeko ordenantza espezifikotik ezarritakoari kalterik egin gabe.

3

3.- Erroldarekin batera, Udalak borondatezko ordainketarako epea argitaratuko du. Epe hori behin amaituta zordunak zenbatekoa osorik ordaindu ez badu, aldi exekutiboa hasiko da.

4.- Kobrantza jakinarazpenean hurrengoak adierazi beharko da:

a) Dirua sartzeko epea.

b) Baimendutako ordainketa moduak.

c) Dirua sartzeko tokiak, egunak eta orduak.

d) Epea behin amaituta zenbatekoa ez bada ordaindu, zorrak premiamenduzko prozeduraren bidez eskatuko direla eta aldi exekutiboan sortutako errekaratuak, berandutzako interesak eta sor litezkeen kostuak ere kobratuko direla ohartaraziko zaio zordunari.

e) Helbideratutako ordainagiriak kobrantzara aurkeztuko diren data.

f) Banku helbideratzeek aipatutako kobrantza epean ondorioak izateko muga eguna.

7. artikulua.-Kobrantzarako egutegia:

1.- Oro har, Udalak honako egutegi hau dauka ezarrita aldizkako sarrera publikoak kobratzeko.

a) Ondasun Higiezinaren gaineko Zerga: Bizkaiko Foru Aldundiak ezartzen duena.

b) Jarduera Ekonomikoen gaineko Zerga: Bizkaiko Foru Aldundiak ezartzen duena.

c) Trakzio Mekanikoko Ibilgailuen gaineko Zerga: Ekaina eta Uztailaren artean.

d) Zaborrak: Hiruhilabetero, hiruhilabetea pasatu ondoren.

e) Ura eta saneamenduak: Hiruhilabetero, hiruhilabetea pasatu ondoren.

2.- Ez ohiko kasuetan, Alkateak aurreko puntuan ezarritakoetatik desberdinak diren epeak finkatu ahal izango ditu.



OTXANDIOKO UDALA
Ayuntamiento de Otxandio
(Bizkaia)

IFZ P4808500E

II.- ZORRA AZKENTZEA:

ORDAINKETA:

8. artikulua.- Ordainketa egiteko legitimazioa:

1. Ordainketa zerga behartuak edo hirugarren batzuek egin dezakete, zorra berehala azkenduko delarik. Horrek ez die hirugarrenei Udalaren aurrean inolako eskubiderik emango.

9. artikulua.-Tokia eta unea:

1- Ordainketa eskudirutan egin beharko da, kasu bakoitzaren arabera:

- a) Zerga bilketarako udal bulegoan.
- b) Kreditu entitate laguntzaileetan.
- c) Kutxako zerbitzua eskaintzen duten erakundeetan.
- d) Ordenantza fiskal bakoitzean ezarritako moduan.

2.- Ez ohiko kasuetan, Udalak baimendu ahal izango du borondatezko aldian edo aldi exekutiboan espeziatan ordaintzea, edozein ondasun edo eskubide entregatuz, BLHko Zerga Bilketari buruzko Araudiaren 17. artikuluan ezarritakoari jarraiki.

3.- Ordainketa egiteko epea honako hau izango da:

- a) Autolikidazioak: Zerga bakoitzari buruzko Ordenantzetan ezarritakoa.
- b) Administrazioak egindako likidazioak eta honako eskabide hauek ukatzearen ondorioz eska litezkeenak: ordainketa geroratzea edo zatikatzea, alderdi batek eskatuta konpentsazioa ematea, zorra ordaintzeko ondasunak edo eskubideak ematea edo diru bilketako prozedura etetea:

Hilaren 1a eta 15a bitartean jakinarazitako zorren kasuan, jakinarazpenaren egunetik hurrengo hilaren 10era artea eta gun hori baliogabea bada, haren ondoko egun baliodunera arte.

Hilaren 16a eta azkena bitartean jakinarazitako zorren kasuan, jakinarazpenaren egunetik hurrengo hilaren 25era arte, eta egun hori baliogabea bada, haren ondoko egun baliodunera arte.

- c) Aldizkako jakinarazpen kolektiboak: ordenantza honen 7. artikuluan ezarritakoa.



OTXANDIOKO UDALA

Ayuntamiento de Otxandio
(Bizkaia)

IFZ P4808500E

d) Tinbredun efektuekin egindako ordainketak: zergapeko egitatea egiten den uean.

5

10. artikulua.-Ordainketa modua:

1. Zergen eta zuzenbide publikoko gainerako sarreren bilketa horrela egingo da:
 - a. Borondatezko aldian: xede horretarako ezarritako epeetan.
 - b. Aldi exekutiboan: premiamendu bidez.
2. Oro har, aldi exekutiboan ordainketa Diru Bilketa Bulegoan egingo da; nolahi ere, interesdunak eskatuta, Udalak baimendutako beste edozein modutara egin ahalko da.

11. artikulua.-Ordainbideak:

- 1.- Ordainketa eskudirutan egingo da.
 - 2.- Eskudiruzko ordainbide hauek onartuko dira:
 - a) Legezko dirua.
 - b) Helbideratzea Banketxe edo Aurrezki Kutxetan.
- .- Aldez aurretik Udal Administrazioari eskatuko zaio.
- .- Aldizka mugaeguneratzen eta taldeka jakinarazten diren zergetatik bat, batzuk edo guztiak helbidera daitezke.
- .- Ordainagiriak jakinarazpenean edo likidazioan adierazten den egunean zordunduko dira kontuan. Datarik zehazten ez bada, borondatezko ordainketerako aldia amaitzen den egunean zordunduko dira.
- .- Ordainagiriak itzuliz gero, haien zenbatekoa ez bada ordaintzen borondatzeko aldian, bilketa exekutiboa hasiko da.
- .- Ordainketen helbideratzeak baliozkoak izango dira aldi mugagabe batez. Zergadunek helbideratzeak deusteztu edo beste establezimendu batera aldatu ahal izango dituzte edozein unetan, Udal Administrazioari horren berri emanez ezarritako apean.
- .- Udalak helbideratzea ezeztatu egin ahal izango du ordainagiriak itzultzen bazaizkio edo helbideratutako kontuan ez badago saldo nahikorik.



OTXANDIOKO UDALA

Ayuntamiento de Otxandio
(Bizkaia)

IFZ P4808500E

.- Udalak helbideratze eskabideak aurkezteko muga eguna edo helbideratzeak zein egunetik aurrera eragina izango duten zehaztuko du.

.- Ezohiko kasuetan, Alkateak helbideratutako ordainagiriak borondatez ordaintzeko aldia luzatu ahalko du.

c) Banku transferentzia.

.- Ordainketa banku transferentziaren bidez egiteko, ordainbide hori baimenduta egon beharko da jakinarazpenean. Jakinarazpenean kontu zenbakia, zenbatekoa, transferentzia egiteko epea eta kontuan zorduntzerakoan idatzi beharreko oharra agertuko dira.

d) Txekea:

.- Ordainketa txeke bidez egiten denean, txekeak honako baldintza hauek bete beharko ditu:

1.- Izenduna eta Udalaren aldekoa izatea.

2.- Entrega eguna baino lehenagoko data edukitzea.

3.- Entitateak adostuta egotea.

4.- Igorlearen izena edo izen soziala eramatea.

5.- Zorraren ordainketa txekea entregatzen den egunean gauzatuko da, eta entrega egunetik izango du eragina.

6.- Txekearen zati bat edo zenbateko osoa ezin bada kobratu, premiamenduzko prozedura hasiko da.

e) Alkateak beste ordainbide batzuk baimendu ahal izango ditu.

3.- Zor bat kitatzen duenak ordainketaren frogagiria jasotzeko eskubidea izango du.

GERORAPENA ETA ZATIKAPENA

12. artikulua.- Gerorapena eta Zatikapena:



OTXANDIOKO UDALA

Ayuntamiento de Otxandio
(Bizkaia)

IFZ P4808500E

1. Alkateak, zerga behartuak hala eskatuta, zorren ordainketa geroratu edo zatikatu ahal izango du zordunaren egoera ekonomiko eta finantzarioak, Udalak zuhurtziarakotasunez aintzat hartuta, ordainketa gitea eragozten badio aldi baterako.
2. Eskabidearen edukia BLHko Zerga Bilketari buruzko Araudi Orokorrean ezarrita dagoena izango da.
3. Gerorapena edo zatikapena borondatezko aldian nahiz aldi exekutiboan onartu ahal izango da.
4. 150 eurotik beherako zorrak ezingo dira geroratu eta ezta zatikatu ere.
5. Ordainketa geroratzeko edo zatikatzeko gehienezko epea 24 hilabetekoa izango da.
6. Ezohiko kasuetan eta xede horretarako emandako ebazpenaren bidez bakarrik onartuko da laugarren puntuan adierazitako zenbatekoa baino txikiagoa den zor bat geroratzea edo zatikatzea, edota bosgarren puntuan adierazitako epea luzatzea.
- 7.- Ordainketak Geroratzeko eta Zatikatzeko irizpide orokorrak, borondatezko aldian zein aldi exekutiboan, hauek izango dira:

a) 800 € beherako zorrak:

Gerorapena:

- I.- 150 eta 300 € artean hilabete 1.
- II.- 301 eta 500 € artean 2 hilabete.
- III.- 501 eta 800 € artean 3 hilabete.

Zatikapena:

- I.- 150 eta 300 € artean hilabete 1.
- II.- 301 eta 500 € artean 2 hilabete.
- III.- 501 eta 800 € artean 3 hilabete.

b) 800 € gorako zorrak:

Gerorapena:

- I.- 800 eta 3.000 € artean 6 hilabete.
- II.- 3.001 eta 12.000 € artean . 12 hilabete
- III.- 12.001 eta 24000 € artean.18 hilabete
- IV.- 24.000 €tik aurrera 24 hilabete.





OTXANDIOKO UDALA

Ayuntamiento de Otxandio
(Bizkaia)

IFZ P4808500E

Zatikapena:

- I.- 800 eta 3.000 € artean 6 hilabete.
- II.- 3.001 eta 12.000 € artean . 12 hilabete
- III.- 12.001 eta 24000 € artean.18 hilabete
- IV.- 24.000 €tik aurrera 24 hilabete.

8.- Ordainketak geroratu edo zatikatu ahal izateko,, nahitaezkoa da eskatzaileak geroratu edo zatikatutako zorren ordainketa helbideratzea.

9.- Zordunak aldi exekutiboan ordaintzeke dituen eta geroratuta edo zatikatuta ez dauden zorren guztizkoa geroratu edo zatikatu beharko da, salbuespenik gabe.

10.- Ezohiko kasuetan edo interes publikoko arrazoiengatik, ezohiko gerorapenak edo zatikapenak onartuko dira.

11.- Oro har, gerorapenentzat ez de bermerik eskatuko zor den guztizko zenbatekoa 3.000 eurotik beherakoa denean.

12.- Ordainketa geroratzeko edo zatikatzeko eskariari uko egiten bazaio, berandutzako interesak likidatuko dira borondatezko aldia amaitzen den unetik ebazpen ukatzailea ematen edo ordainketa gauzatzen den unera arte igarotako denboragatik.

13.- Geroratutako zenbatekoa ez ordaintzeak aldi exekutiboaren hasiera ekarriko du ordaintzeke dagoen guztia kobratzeko.

13. artikulua.-Berandutzako interesa:

1. Zerga behartuei eta subjektu arau-hausleei berandutzako interesa ordaintzea eskatuko zaie honako kasu hauetan:

- a. Ordainketa ezarritako epean egiten ez badute.
- b. Bidegabeko itzulketa bat kobratzen badute.
- c. Zorren ordainketa geroratzen edo zatikatzen badute.
- d. Zergei buruzko araudian eta indarreko aurrekontu xedapenetan adierazitako gainerako kasuetan.

2. Berandutzako interesa, berau sortzen den aldian indarrean dagoen diruaren legezko interesa gehi %25 izango da, besterik zehaztu ezean.



OTXANDIOKO UDALA
Ayuntamiento de Otxandio
(Bizkaia)

IFZ P4808500E

Zergazkoak ez diren zorrei diruaren legezko interes tasa aplikatuko zaie.



HUTSEGINAK ETA KREDITU KOBRAEZINAK

14. artikulua.-Hutseginak:

1.- Hutseginak dira kaudimengabezia frogatuagatik beraien zorrak ordaindu ezin dituzten zerga behartuak.

15. artikulua.-Kreditu kobraezinak

1. Zordun nagusia eta haren erantzule solidario zein subsidiario guztiak hutsegintzat aitortzen badira, kreditua kobraezintzat joko da.

2.- Prozedura legearekiko errespetua administrazio eraginkortasunarekin uztartzeko asmoz, kreditu kobraezinen proposamena egin aurretik baldintza batzuk bete beharko dira.

Frogagiriak desberdinak izango dira zorraren zenbatekoaren eta ezaugarrien arabera. Honako kasu hauek bereiz daitezke:

a) 500 €tik beherako zorren espedienteak:

I.- Premiamenduzko probidentziaren aurretiko jakinarazpena bidaltzea zordunarekin nolabaiteko lotura duten helbide guztietara, eta iragarkia Bizkaiko Aldizkari Ofizialean argitaratzea.

II.- Eraitza negatiboa duten finantza entitateetako funtsak enbargatzen saiatzea.

b) 500 € eta 3.000 € arteko zorren espedienteak:

I.- Premiamenduzko probidentziaren aurretiko jakinarazpena bidaltzea zordunarekin nolabaiteko lotura duten helbide guztietara, eta iragarkia Bizkaiko Aldizkari Ofizialean argitaratzea.

II.- Eraitza negatiboa duten finantza entitateetako funtsak enbargatzen saiatzea.

III.- Eraitza negatiboa duten soldata eta pentsioak enbargatzen saiatzea.

c) 3.000 €tik gorako zorren espedienteak:



OTXANDIOKO UDALA

Ayuntamiento de Otxandio
(Bizkaia)

IFZ P4808500E

- I.- Premiamenduzko probidentziaren aurretiko jakinarazpena bidaltzea zordunarekin nolabaiteko lotura duten helbide guztietara, eta iragarkia Bizkaiko Aldizkari Ofizialean argitaratzea.
- II.- Eraitza negatiboa duten finantza entitateetako funtsak enbargatzen saiatzea.
- III.- Eraitza negatiboa duten soldata eta pentsioak enbargatzen saiatzea.
- IV.- Jabetza Erregistroan edo beste edozein erregistro publikotan zordunaren izenean inskribatutako ondasunik ez dagüela ziurtatzea.
- V.- Zorra urtebetez aldi exekutiboan egon dela eta kobratu ezin izan dela egiaztatzen duen txostena.

10

PRESKIPZIOA ETA IRAUNGIPENA

16. artikulua.- Printzipio orokorrak:

1. Udal honek zerga zorra zehazteko duen ahala preskribatu eta iraungi egingo da.

Preskripzioa eta iraungipena aldi berean gertatuko dira; beraz, administrazioak likidazioaren bidez zerga zorra zehazteko duen ahala ezingo da gauzatu horietakoren bat gertatuz gero.

2. Administrazioak zerga zor likidatuen eta autolikidatuen ordainketa eskatzeko duen ahala preskribatu egingo da, eta baita zerga behartuek zuzenbide publikoko sarrera bakoitzari buruzko arauetatik ondorioztatutako itzulketak, zor ez diren sarreren itzulketak eta bermeen kostuaren itzulketa eskatzeko eta eskuratzeko duten eskubidea ere.

3. Preskripzioak eta iraungipenak zerga zorra amaitzen dute eta administrazioaren kabuz aplikatzen dira, zor hori ordaindu izan arren.

17. artikulua.-Preskripzioa

1. Aurreko artikuluen 1. eta 2. paragrafoetan aipatutako administrazioaren ahalek lau urtera preskribatuko dute, zerga zorren kasuan. Zuzenbide publikoko beste sarrera batzuen kasuan, dagokion araudia bete beharko da.

2. Zenbaketa, etenaldi eta preskripzioaren gainerako ondorioen xedeetarako, ZFAOn eta arau hori garatzen duten xedapenetan ezarritakoa beteko da.

18. artikulua.-Iraungipena



OTXANDIOKO UDALA

Ayuntamiento de Otxandio
(Bizkaia)

IFZ P4808500E

1. Ordenantza honetako 16. artikuluko 1. paragrafoan aipatutako administrazioaren ahalak sei urtera preskribatuko du.

2. Zenbaketa, etenaldi eta iraungipenaren gainerako ondorioen xedeetarako, ZFAOn eta arau hori garatzen duten xedapenetan ezarritakoa beteko da.

III.- PREMIAMENDUZKO PROZEDURA

19. artikulua.- Premiamenduzko prozedura:

1. Zerga zorrak edo zuzenbide publikoko gainerako sarrerak borondatez ordaintzeko epea behin amaituta ez badira zorrak osorik ordaindu, aldi exekutiboa hasiko da ordaintzeke dagoen zatia ordainarazteko.

2. Aldi exekutiboa hasterakoan %5eko errenergua eta berandutzako interesak ezarriko dira, premiamenduzko probidentzia jakinarazten den egunetik zorra ordaintzeko epearen mugara arteko aldian izan ezik.

4. Ordaintzeko epea behin amaituta %20ko premiamendu errenergua eskatuko da, borondatezko aldia amaitu zenetik kuotaren gainean sortutako interesez gain.

IV.- ADMINISTRAZIO BIDEKO BERRIKUSPENA

20. artikulua.-Birjartze Errekurtsoa:

1.- Zergen eta zuzenbide publikoko gainerako sarreren aplikazio eta eraginkortasunari buruzko egintzen kontra birjartze errekurtsoak jartzeak ez du inpugnatutako egintzaren betearazpena etengo, dagozkion lege ondorioekin, kuota edo eskubide likidatuen bilketa, interesak, errenergua eta zehapenak barne. Zerga zehapenak ezartzeko egintzak automatikoki etenda geratuko dira errekurtsoa jartzen bada.

2.- Hala ere, birjartze errekurtsoa epe eta denbora egokian aurkezteak inpugnatutako egintzaren betearazpena automatikoki etengo du bermerik aurkeztu beharrik gabe, zerga zorra borondatezko aldian badago edota errekurtsoa premiamenduzko probidentziaren aurka jarri bada eta, kasu bietan, borondatezko aldia amaitzen den unean zor den zenbatekoa 300 € edo gutxigokoa bada.

3.- Aurreko puntuan adierazitakoak baino zenbateko handiagoen kasuan, interesdunak, errekurtsoa jartzeko epearen barruan, inpugnatutako egintza etetea eskatu ahal izango du.



OTXANDIOKO UDALA

Ayuntamiento de Otxandio

(Bizkaia)

IFZ P4808500E

Horretarako, ezinbestekoa izango da bermea jartzea, errekurtsogileak honako hauen artean aukeratu beharko duelarik:

- Eskudirua edo herri baloreak gordailatzea.
- Kreditu entitate edo elkarren bermerako sozietate batek emandako abal edo fidantza solidarioa, edota kauzio aseguruaren ziurtagiria.

4.- Errekurtsoa ebazteko eskumena duen organoak bermerik gabeko prozedura etetea erabaki ahalko du, bermea derrigorrezkoa denean Ordenantza honetan etenaldi automatikorako ezarritako muga gainditu delako, honako kasu hauetan:

- Oker aritmetikoa, materiala edo egitetatezkoa egon daitekeela ikusten bada.
- Errekurtsogileak bermea aurkeztu ezina alegatu eta justifikatzen badu, ebazteko eskumena duen organoaren irizpidearen arabera.

5.- Etetea ematearen ondorioz, haren denbora guztiarengatik berandutzako interesak ordaindu beharko dira beti, eta birjartze errekurtsuan bakarrik izango ditu ondorioak.

6. Birjartze errekurtsoa hilabeteko epean jarri behar da, berraztertze eskatzen den egintzaren berariazko jakinarazpena egiten den egunaren edo zergadunen edo ordaintzera behartuta daudenen errolda edo matrikulak jendaurrean egoteko epea amaitzen den egunaren biharamunetik zenbatzen hasita.

V.- IKUSKARITZA PROZEDURA

21. artikulua.- Zerga Ikuskaritza:

Zerga ikuskaritza BLHko Zergei buruzko 2/2005 Foru Arau Orokorrean, BLHko Zerga Ikuskaritzaren Araudia onesten duen 99/2005 Foru Dekretuan eta gainerako xedapen osagarrietan ezarritakoaren arabera egingo da.

VI.-ZEHATZEKO ARAUBIDEA

22. artikulua.- Zehatzeko Ahala:

Zehatzeko prozedura BLHko Zergei buruzko 2/2005 Foru Arau Orokorrean, BLHko Zerga Zehapenaren Araudia onesten duen 100/2005 Foru Dekretuan eta gainerako xedapen osagarrietan ezarritakoaren arabera egingo da.

VII.- AZKEN XEDAPENAK:



OTXANDIOKO UDALA
Ayuntamiento de Otxandio
(Bizkaia)

IFZ P4808500E

Bakarra: Indarrean sartzea:

Ordenantza hau Bizkaiko Aldizkari Ofizialean argitaratu eta hurrengo egunean sartuko da indarrean, eta ez du atzerako eraginik izango. Dena den, zerga urraketen eta zigorren araudiak eta errekarquei dagokienak atzerako eragina izango dute irmoak ez diren egintzetan, haien aplikazioa interesatuari onuragarriagoa gertatzen zaionean.